



БОДЛОГЫН БАРИМТ БИЧГИЙН 2023 ОНЫ ХЭРЭГЖИЛТИЙН ТАНИЛЦУУЛГА

Нэг. Хяналт-шинжилгээ, үнэлгээний ажлын зорилго:

Бодлогын баримт бичигт тусгагдсан арга хэмжээнүүдийн хэрэгжилтийг дүгнэхдээ Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ, хийх нийтлэг журам”, Зам, тээврийн хөгжлийн сайдын 2021 оны А/87 дугаар тушаалаар баталсан “Зам, тээврийн хөгжлийн яам болон харьяа байгууллагуудын үйл ажиллагаанд хяналт-шинжилгээ, үнэлгээ хийх журам”-ыг үндэслэл болгов.

Хоёр. Танилцуулга:

Тайлант хугацаанд Засгийн газрын 2021-2025 оны үйл ажиллагааны хөтөлбөр, Монгол Улсын хөгжлийн 2023 оны төлөвлөгөөний хэрэгжилтэд хяналт-шинжилгээ, үнэлгээ хийж, санал, зөвлөмж гаргав.

Монгол Улсын Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ, хийх журам”-д заасан тайлангуудыг яамны газар, хэлтэс, харьяа агентлаг байгууллагуудаас нэгтгэн авч хяналт-шинжилгээ, үнэлгээний тайлангийн хамт журамд заасан хугацаанд тухай бүр Засгийн газрын хяналт хэрэгжүүлэх газар, Сангийн яам, Эдийн засаг, хөгжлийн яаманд тайлагнаж ажилласан. Мөн Зам, тээврийн хөгжлийн сайдын 2021 оны А/87 дугаар тушаалаар баталсан “Зам, тээврийн хөгжлийн яам болон харьяа байгууллагуудын үйл ажиллагаанд хяналт-шинжилгээ, үнэлгээ хийх журам”-ын дагуу хяналт-шинжилгээ, үнэлгээний дүнг яамны нэгж, харьяа байгууллагуудын үйл ажиллагаанд улирал хагас жил, жилийн эцсийн байдлаар дүгнэх үзүүлэлт болгон ашигласан. Эдгээрийг тус тусад нь авч үзвэл:

2.1. МУ-ын ЗГ-ын 2020-2024 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөөний хэрэгжилт:

Засгийн газрын 2021 оны 203 дугаар тогтоолоор баталсан Засгийн газрын үйл ажиллагааны хөтөлбөрийг хэрэгжүүлэх арга хэмжээний төлөвлөгөөнд Зам, тээврийн хөгжлийн сайдын хариуцан хэрэгжүүлэх 95 арга хэмжээний биелэлтийг жилийн эцсийн байдлаар үнэллээ. Төлөвлөгөөний хэрэгжилтийн дунджаар **70.4** хувьтай байна.

Төлөвлөгөөнд туссан арга хэмжээг хариуцан хэрэгжүүлэх нэгжүүдийн үнэлгээг авч үзвэл дараах байдалтай байна. Үүнд:

/Хүснэгт 2/

| № | Нэгжийн нэр | Арга хэмжээ | Үнэлгээ /хувиар/ | | | | | | Хугацаа болоогүй | Санхүүжилт -гүй | ХШҮ хувь |
|---|-------------|-------------|------------------|----|----|----|----|---|------------------|-----------------|----------|
| | | | 100 | 90 | 70 | 50 | 30 | 0 | | | |
| 1 | АЗБЗГ | 59 | 20 | 4 | 9 | 0 | 12 | 1 | 2 | 11 | 72.8 |
| 2 | АТБЗГ | 5 | 2 | 0 | 1 | 1 | 1 | 0 | 0 | 0 | 70.0 |
| 3 | ТЗДТБЗГ | 13 | 5 | 1 | 0 | 4 | 3 | 0 | 0 | 0 | 67.7 |
| 4 | БТГ | 2 | 1 | 0 | 1 | 0 | 0 | 0 | 0 | 0 | 85.0 |

| | | | | | | | | | | | |
|-------------|-------|-----------|-----------|----------|-----------|----------|-----------|----------|----------|-----------|-------------|
| 5 | ТЗУГ | 1 | 1 | 0 | 0 | 0 | 0 | 0 | 0 | 0 | 100.0 |
| 6 | ИНБЗГ | 15 | 3 | 1 | 4 | 0 | 6 | 0 | 0 | 1 | 60.7 |
| Нийт | | 95 | 32 | 6 | 15 | 5 | 22 | 1 | 2 | 12 | 70.4 |

Хөтөлбөрийн хэрэгжилтэд 0-30 хүртэл хувийн биелэлттэй 23 арга хэмжээг эрчимжүүлэх шаардлагатай гэж үнэллээ. Үүнд:

- Дорноговь аймгийн Сайншанд - Баруун-Урт - Хөөт чиглэлийн 433 км төмөр замын төслийг эхлүүлнэ;
- Улаанбаатар төмөр замын гол замд 200 км их засвар хийнэ;
- Төмөр замын хөдөлгөөний нэгдсэн удирдлагын төвийн барилга барих төсөл;
- Дархан-Алтанбулаг чиглэлийн 113 км авто авто замыг 4 эгнээ болгон өргөтгөн шинэчилнэ;
- Налайх- Төв аймгийн Баян сум чиглэлийн 58 км авто замыг 4 эгнээ болгон өргөтгөн шинэчилнэ;
- Дорнод аймгийн Чойбалсан хотыг Хавиргын боомттой холбох 124.5 км хатуу хучилттай авто замыг барина;
- Хөвсгөл аймгийн Цэцэрлэг сумын Овоотын уурхайгаас Арцсуурь хилийн боомт хүртэлх авто замын ТЭЗҮ, зураг төсөл боловсруулна;
- Өмнөговь аймгийн Ханхонгор сумын ТавантолгойБарууннаран чиглэлийн 32 км авто замын төгсгөлөөс "Цагаандэл уул" хилийн боомт хүртэлх 270 км тусгай зориулалтын авто замыг барина;
- Дорнод аймгийн Чойбалсан хотыг Хавиргын боомттой холбох 124.5 км хатуу хучилттай авто замыг барина;
- Баянхонгор аймгийн төвөөс Шаргалжуут чиглэлийн 54.17 км хатуу хучилттай авто замын төслийг эхлүүлнэ;
- Сүхбаатар аймгийн Баруун-Урт-Арбулаг чиглэлийн 60 км хатуу хучилттай авто замыг барина;
- Ховд-Улаангом чиглэлийн 163.3 км хатуу хучилттай авто замыг барих /Ховд, Увс аймаг/;
- Завхан аймгийн Улиастай сумын Богд Чигэстэйн голын 290.03 у/м төмөр бетон гүүрийг барина;
- Өвөрхангай аймгийн Арвайхээр сумын Онгийн голын 166 у/м төмөр бетон гүүр;
- Өвөрхангай аймгийн Хархорин сумын Орхоны голын 290 у/м төмөр бетон гүүр;
- Өмнөговь аймгийн Цогтцэций, Ханбогд сум, Гашуунсухайт боомтод уул уурхайн бүтээгдэхүүнд түшиглэсэн холимог тээврийн терминал байгуулна;
- Говь-Алтай аймгийн Жаргалант сумын Завхан голын төмөр бетон гүүр;
- Агаарын навигацын үйлчилгээний техник технологийг шинэчилнэ;
- Дорнод аймгийн Чойбалсан нисэх буудлыг 4С ангиллын болгох төслийг хэрэгжүүлнэ;
- Ховд аймгийн "Ховд" нисэх буудлыг 4С ангиллын болгох төслийг хэрэгжүүлнэ;
- Хөвсгөл аймгийн "Мөрөн" нисэх буудлын хөөрч буух зурвасыг өргөтгөн хүчитгэж олон улсын 4С ангиллын болгох төслийг хэрэгжүүлнэ;
- Увс аймгийн "Дээлий цагаан" нисэх буудлын хөөрч буух зурвасын хүчин чадлыг олон улсын 4С ангиллын болгох төслийг хэрэгжүүлнэ;
- Баянхонгор нисэх буудлын хөөрч буух хучилттай зурвасын урсгал засвар.

Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт болон захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-д заасны дагуу Засгийн газрын үйл ажиллагааны хөтөлбөрийг хэрэгжүүлэх арга хэмжээний төлөвлөгөөний хэрэгжилтийг 2023 оны жилийн эцсийн байдлаар ЗГХХГ-т цахимаар тайлагнасан.

2.2. Монгол Улсын хөгжлийн 2023 оны төлөвлөгөөний хэрэгжилт:

Улсын Их Хурлын 2022 оны 23 дугаар тогтоолоор Монгол Улсын хөгжлийн 2023 оны төлөвлөгөөг баталсан. Монгол Улсын хөгжлийн 2023 оны төлөвлөгөөнд зам, тээврийн салбарт хэрэгжүүлэхээр туссан 3 зорилтыг хэрэгжүүлэх нийт 25 арга хэмжээ байна. Үүнд:

- Авто замын салбарт хэрэгжүүлэх 20 арга хэмжээ;
- Төмөр зам, далайн тээврийн салбарт хэрэгжүүлэх 3 арга хэмжээ;
- Автотээврийн салбарт хэрэгжүүлэх 2 арга хэмжээ;

Зам, тээврийн салбарт хэрэгжүүлэхээр төлөвлөсөн 25 арга хэмжээний хэрэгжилтийг 2023 оны жилийн эцсийн байдлаар авч үзвэл дунджаар **72.8** хувийн биелэлттэй үнэлэгдлээ. Төлөвлөгөөнд туссан арга хэмжээг хариуцан хэрэгжүүлэх нэгжүүдийн үнэлгээг авч үзвэл дараах байдалтай байна. Үүнд:

/Хүснэгт 3/

| № | Нэгжийн нэр | Арга хэмжээний тоо | Үнэлгээ /хувиар/ | | | | | | Хэрэгжилт хувь |
|-------------|--|--------------------|------------------|----------|----------|----------|----------|----------|----------------|
| | | | 100 | 90 | 70 | 50 | 30 | 0 | |
| 1 | Авто замын бодлого зохицуулалтын газар | 20 | 4 | 4 | 8 | 2 | 2 | - | 74.0 |
| 2 | Автотээврийн бодлого зохицуулалтын газар | 2 | 1 | 1 | - | - | - | - | 95.0 |
| 3 | Төмөр зам, далайн тээврийн бодлого зохицуулалтын газар | 3 | - | - | - | 3 | - | - | 50.0 |
| Нийт | | 25 | 5 | 5 | 8 | 5 | 2 | - | 72.8 |

Хөтөлбөрийн хэрэгжилтэд 30-50 хүртэл хувийн биелэлттэй 7 арга хэмжээг эрчимжүүлэх шаардлагатай гэж үнэллээ. Үүнд:

- 2.2.2.5. Чойбалсан хотыг Хавиргын боомттой холбох 124.5 км хатуу хучилттай авто замын барилга /хэрэгжилт 50 хувь/;
- 2.2.2.7. Баруун босоо чиглэлийн төмөр замын төслийн бэлэн байдлыг хангах /хэрэгжилт 50 хувь/;
- 2.2.2.8. Хөөт-Бичигт чиглэлийн 234.1 км төмөр замын төслийн бэлэн байдлыг хангах /хэрэгжилт 50 хувь/;
- 2.2.2.9. Хөөт-Чойбалсан чиглэлийн 192 км төмөр замын төслийн бэлэн байдлыг хангах /хэрэгжилт 50 хувь/;
- 2.6.4. Олон улс, улс хооронд, орон нутгийн авто замын дагуу түр зогсох цэгийг 100 км тутамд барьж байгуулах /хэрэгжилт 30 хувь/;
- 5.2.2.11. Багануур-Мөнгөнморьт чиглэлийн хатуу хучилттай 60 км авто замын барилга /хэрэгжилт 30 хувь/;



- *5.2.2.12. Ховд-Алтай чиглэлийн авто замаас Чандмань сум хүртэлх хатуу хучилттай 56.9 км авто замын барилга /хэрэгжилт 50 хувь/.*

Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт болон захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-д заасны дагуу Монгол Улсын хөгжлийн 2023 оны төлөвлөгөөний хэрэгжилтийг жилийн эцсийн байдлаар ЗГХХГ-т цахимаар тайлагнасан.

ЗАМ, ТЭЭВРИЙН ХӨГЖЛИЙН ЯАМ.